

სახელმწიფო შესყიდვის შესახებ ხელშეკრულება №

ქ. თბილისი

ერთის მხრივ, შპს “საქაერონავიგაცია” (შემდგომში, შემსყიდველი) წარმოდგენილი გენერალური დირექტორის გოჩა მეზვრიშვილის სახით და მეორეს მხრივ, ----- (შემდგომში, მიმწოდებელი) წარმოდგენილი დირექტორის ----- სახით, ელექტრონული ტენდერის (№) ჩატარების შედეგად ვდებთ სახელმწიფო შესყიდვის შესახებ ხელშეკრულებას შემდეგ ზე:

მუხლი 1. ხელშეკრულების ობიექტი

- 1.1. ხელშეკრულების ობიექტს წარმოადგენს მიმდინარე საგადასახადო შემოწმებისა და საკონსულტაციო მომსახურების შესყიდვა შემსყიდველის ტექნიკური დავალების შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს (დანართი №1).
- 1.2. შესყიდვის ობიექტის კლასიფიკატორის კოდი (CPV): 79212000.
- 1.3. რესურსის მოთხოვნის განაცხადი:

მუხლი 2. მომსახურების გაწევის ვადა და მიღება-ჩაბარების წესი

- 2.1. წინამდებარე ხელშეკრულებით განსაზღვრული მომსახურება მოიცავს შემდეგ პერიოდს: 01.01.2022 წელი – 31.12.2023 წელი.
- 3.2. გაწეული მომსახურების მიღება-ჩაბარება განხორციელდება ყოველთვიურად, ორივე მხარის უფლებამოსილი წარმომადგენლის მიერ ხელმოწერილი მიღება-ჩაბარების აქტის საფუძველზე.

მუხლი 3. ხელშეკრულების ღირებულება და ანგარიშსწორების წესი

- 3.1. ხელშეკრულების ჯამური ღირებულება შეადგენს ----- ლარს.
- 3.2. შემსყიდველი ვალდებულია გადაუხადოს მიმწოდებელს გაწეული მომსახურების ღირებულება წინამდებარე ხელშეკრულებით განსაზღვრული პირობების შესაბამისად.
- 3.3. ანგარიშსწორება მიმწოდებელთან განხორციელდება ყოველთვიურად, შესაბამისი მიღება-ჩაბარების აქტის გაფორმებიდან და საგადასახო ანგარიშ-ფაქტურის წარმოდგენიდან 10 კალენდარული დღის განმავლობაში.
- 3.4. ანგარიშსწორების ფორმა: უნაღდო.

მუხლი 4. მხარეთა უფლება-მოვალეობანი

4.1. მიმწოდებელი ვალდებულია:

- 4.1.1. ხელშეკრულებით გათვალისწინებული მომსახურების გაწევა განახორციელოს წინამდებარე ხელშეკრულებით დადგენილ ვადაში.
- 4.1.2. მიმწოდებელმა მომსახურების გაწევა უნდა განახორციელოს წინამდებარე ხელშეკრულებით განსაზღვრული პირობების შესაბამისად.
- 4.1.3. მიმწოდებელმა უნდა შეამოწმოს ყოველთვიური დეკლარაციების შევსების სისწორე არაუგვიანეს საანგარიშო თვის მომდევნო თვის 12 რიცხვისა. (მოამზადოს დეკლარაციების საკუთარი ვარიანტი Excell-ის ფორმატში და განახორციელოს შემოსავლების სამსახურის

პორტალზე შევსებულ დეკლარაციებთან შედარება). სხვაობის შემთხვევაში წარმოადგინოს წერილობითი ფორმით მიზეზები. სხვა შემთხვევაში კი წერილობითი ფორმით დაადასტუროს დეკლარაციების სისწორე.

4.1.4. მიმწოდებელმა უნდა შეამოწმოს წლიური დეკლარაციის (მოგება, ქონება) შევსების სისწორე არაუგვიანეს მომდევნო წლის 1 აპრილისა;

4.1.5. მიმწოდებელი ვალდებულია უპასუხოს შემსყიდველის შეკითხვებს წერილობითი/ელექტრონული ან ზეპირი ფორმით. პასუხის გაცემის ვადაა 1 სამუშაო დღე.

4.1.6. დაიცვას აუდიტორული საქმიანობის ეთიკა და მოპოვებული ინფორმაციის კონფიდენციალურობა;

4.1.7. საიდუმლოდ შეინახოს აუდიტის დროს მიღებული ინფორმაცია, არ გაახმაუროს კომერციული საიდუმლოს შემცველი ცნობები, გარდა საქართველოს კანონმდებლობით გათვალისწინებული შემთხვევებისა, არ გამოიყენოს ისინი თავისი ან მესამე პირის ინტერესებისათვის;

4.1.8. დაიცვას „აუდიტორული საქმიანობის შესახებ“ საქართველოს კანონის მოთხოვნები.

4.2. მიმწოდებელი უფლებამოსილია:

4.2.1. მოითხოვოს გაწეული მომსახურების ანაზღაურება წინამდებარე ხელშეკრულებით განსაზღვრული პირობების შესაბამისად.

4.2.2. მოითხოვოს ხელშეკრულების პირობების დაცვა.

4.2.3. მოითხოვოს ხელშეკრულების პირობების არაჯეროვანი შესრულებით, შეუსრულებლობით მიყენებული ზიანის ანაზღაურება.

4.3. შემსყიდველი ვალდებულია:

4.3.1. გადაუხადოს მიმწოდებელს გაწეული მომსახურების შესაბამისი ღირებულება ხელშეკრულებით განსაზღვრული პირობების შესაბამისად.

4.3.2. შემსყიდველი მიმწოდებელს მიაწვდის შესამოწმებელი პერიოდის (თვის) დასრულებულ საბუღალტრო ბაზასა და საგადასახადო დეკლარაციებს.

4.4. შემსყიდველი უფლებამოსილია:

4.4.1. არ მიიღოს გაწეული მომსახურება, თუ იგი არ შეესაბამება ხელშეკრულების და მისი დანართებით განსაზღვრულ მოთხოვნებს.

4.4.2. განახორციელოს კონტროლი და ზედამხედველობა ხელშეკრულების პირობების შესრულებაზე, რისთვისაც გამოყოფს სპეციალურად უფლებამოსილ პირებს: ირაკლი ზაქარაიშვილი – ფინანსური მართვის საკითხების მენეჯერი, კარინა კახარიანი – მთავარი ბუღალტერი. აღნიშნულ პირებს ენიჭებათ მიღება-ჩაბარების აქტზე ხელისმოწერის უფლებამოსილება.

4.4.3. მოითხოვოს ხელშეკრულების პირობების არაჯეროვანი შესრულებით, შეუსრულებლობით მიყენებული ზიანის ანაზღაურება.

4.4.4. მოითხოვოს ხელშეკრულების პირობების დაცვა.

მუხლი 5. მხარეთა პასუხისმგებლობა

5.1. ხელშეკრულებით დადგენილ ვადაში სახელშეკრულებო ვალდებულების შეუსრულებლობის ან არაჯეროვანი შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო ხელშეკრულების ღირებულების 0.1%-ის ოდენობით ყოველი ვადაგადაცილებული დღისთვის.

5.2. ხელშეკრულების ღირებულების გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო გადაუხადელი თანხის 0,1%-ის ოდენობით ყოველ ვადაგადაცილებულ დღისთვის.

5.3. მიმწოდებელი პასუხისმგებელია მის მიერ გაწეულ მომსახურებაზე და ვალდებულია აუნაზღაუროს შემსყიდველს ნებისმიერი ზიანი, რომელიც შემსყიდველს შეიძლება მიაღგეს მომსახურების უხარისხოდ ან არაჯეროვნად გაწევის შემთხვევაში.

5.4. მიმწოდებელი ვალდებულია უსასყიდლოდ და დროულად გამოასწოროს მომსახურების გაწევის პროცესში გამოვლენილი ხარვეზები.

მუხლი 6. ფორს-მაჟორი

- 6.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს პასუხისმგებლობის დაკისრებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 6.2. ხელშეკრულებს მიზნებისთვის "ფორს-მაჟორი" ნიშნავს მხარეებისთვის გადაულახავ და მათი კონტროლისგან დამოუკიდებელ გარემოებებს, რომლებიც არ არიან დაკავშირებული მხარეების შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება იყოს გამოწვეული ომით, სტიქიური მოვლენებით, ეპიდემიით, კარანტინით, სხვა.
- 6.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხი, რომელიც დამოუკიდებელი იქნება ფორს-მაჟორული გარემოებების ზეგავლენისგან.

მუხლი 7. ხელშეკრულებაში ცვლილებებისა და დამატებების განხორციელების წესი

- 7.1. ხელშეკრულების ნებისმიერი ცვლილება ან დამატება უნდა განხორციელდეს წერილობითი ფორმით.
- 7.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით ან ელექტრონული ფორმით შეატყობინოს მეორე მხარეს შესაბამისი ინფორმაცია.
- 7.3. ხელშეკრულების პირობების შეცვლა დაუშვებელია, თუ ამ ცვლილებ(ებ)ის შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის. ხელშეკრულების პირობების შეცვლა დასაშვებია საქართველოს სამოქალაქო კოდექსის 398-ე მუხლით განსაზღვრულ შემთხვევებში.
- 7.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

მუხლი 8. დავების გადაწყვეტა

- 8.1. მხარეები ვალდებული არიან მოავარონ ყველა უთანხმოება მოლაპარაკების გზით, ხოლო ურთიერთშეთანხმების მიუღწევლობის შემთხვევაში, დავას წყვეტს სასამართლო საქართველოს კანონმდებლობით დადგენილი წესით.

მუხლი 9. ხელშეკრულების მოქმედების ვადა

- 9.1. წინამდებარე ხელშეკრულება ძალაში შედის მხარეთა მიერ ხელმოწერის თარიღიდან და მოქმედებს -----.

მუხლი 10. დასკვნითი დებულებები

10.1 ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში, რაზედაც მხარემ უნდა შეატყობინოს მეორე მხარეს 1 კვირით ადრე.

10.2. მხარეები ხელშეკრულებით გათვალისწინებული ვალდებულებების შეუსრულებლობის შემთხვევაში უფლებამოსილნი არიან ვადაზე ადრე შეწყვიტონ ხელშეკრულება, მეორე მხარისათვის მინიმუმ ხუთი სამუშაო დღით ადრე წინასწარი შეტყობინების (ელექტრონული ფოსტა) საფუძველზე.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

მხარეთა რეკვიზიტები

შპს „საქაერონავიგაცია“

მისამართი: ქ. თბილისი, აეროპორტი

საბანკო რეკვიზიტები:

სს „თიბისი ბანკი“

ბანკის კოდი: TBCBGE22

ა/ა GE19TB7188636070100001

საიდენტიფიკაციო კოდი 208144051

გენერალური დირექტორი

გონა მეზერიშვილი
